

萬氏家抄方

五

新學舟

PDG

萬氏家抄濟世良方卷五

四明萬表選集

孫邦孚增訂重梓

婦人經病

趙前為熱退後為虛血滯宜破血枯宜補常時與經前作痛
為血積經後為血虛常時發熱為血虛有積經行發熱為血
虛有熱

加減四物湯 治衝任虛損月水不調臍腹疝痛

當歸

川芎

芍藥

熟地

各等分

右水煎服○經候微少漸漸不通手足酸疼肌瘦潮熱脉

微數去地黃川芎加澤蘭葉三倍甘草半分經水過期者
血少也加陳皮白朮人參升麻未及期先來者血熱也
黃芩香附黃連肥人亦兼痰治經色紫黑兼有塊者血虛
有熱也或作痛加童便製香附芩連或加萊胡有氣血俱
熱者宜涼氣血加柴胡黃芩生地香附經行身熱脉數頭
昏加柴胡黃芩經水臨行小腹連腰作痛者乃鬱滯有痰
血加香附莪朮玄胡索桃仁紅花木香發熱加黃芩柴胡
陰虛血少經水不通小便澀而身體痛加白朮牛膝牡蛎
皮香附陳皮桃仁經水行後作疼者氣血虛也加四君子
湯血枯經閉加桃仁紅花經水適來適斷或有往來寒熱

先宜服小柴胡湯後以此湯和之

肥白人經水過期者是痰多用二陳湯加南星蒼朮滑石及川芎當歸香附

肥人痰多占住血海地位因而下多者日必漸昏用南星蒼朮川芎香附作丸服肥人不及日數而多者痰多血虛有熱亦用前丸藥中更加黃連白朮

經水不通用馬鞭草取汁熬膏為丸或燒灰存性為丸紅花當歸煎湯下

肥軀脂滿經閉不行者導痰湯加黃連川芎

經水去多不住者以三補丸加香附龜板金毛狗脊

逍遙散 治血虛煩熱月水不調臍腹脹痛瘕瘕潮熱

甘草錢五 當歸錢五 茯苓錢五 芍藥錢五 白朮錢五

柴胡錢五 去苗各一兩

每服五錢水一盞煨姜一塊薄荷少許煎七分溫服

一方 治經不調而血水淡白宜用參芪歸芍香附白芍腹
痛加膠味艾葉玄胡索

固經丸 治經水過多不止

黃芩 龜板 白芍藥 各一兩 椿根皮 七錢半

黃柏三錢 香附二錢 為細末酒糊丸服

四製香附丸 治婦人女子經候不調亦治女人久瀉

香附

去毛一分 鹽水浸七日 一分 酒浸七日 一分 薑煨浸七日

右為末醋糊丸桐子大每服七十九空心食前鹽湯下肥人依方服瘦人加澤蘭葉赤茯苓各二兩

丹參散

治婦人經脉不調或前或後或多或少產前胎不

安產後惡血不下並治之兼治冷熱勞腰脊痛骨節煩痺

丹參

去芦不拘多少為末

每服二錢酒調下經脉不調食前服冷熱勞服無時

導經丸

治婦人經水不通臍腹連腰腿疼痛

當歸

川芎

白芍藥

甘草炙

官桂

桃仁炒

大黃

二兩

血竭

二錢

紅花

少許

地膽

去翅

足

右為末煉蜜丸桐子大每服三十丸空心溫酒下量虛實
加減服

通經丸 治婦人室女經候不通臍腹疼痛或成血瘕

川椒

炒去汗

蓬朮

炒

當歸

去芦

青皮

去穰

乾姜

炒

紅花

大黃

炒

桃仁

去皮研細

桂心

等分

乾漆

炒去烟

為末將一半用米醋熬成膏和餘藥一半成劑白中杵丸
桐子大每服五十丸醋湯溫酒空心下

紫金活命丹 治婦人經脉不通通而作痛血瘕等疾

錦紋大黃

一兩

苦葶藶

五錢

芭莖

去殼七十粒

紅娘子

六十箇全

木香

一錢

右為末紅棗煮爛去皮核和藥丸彈子大重二錢五分用
絲綿如法裹包入陰戶深處當見頭疼暈悶作渴渾身困
倦可食白滾湯粥飯待下有黃水或血水流滴三日其藥
自然脫下肚腹作疼三箇時辰惡物纔下有形可驗

補藥方

胡椒五錢木香一錢朝腦一錢砂仁五分

為細末稀糊丸黍豆大硃砂為衣每服十五丸空心白湯
下一鍾茶時食白鷄卵三箇好酒一二鍾如此三服後服
加減四物湯數服此方神妙

血竭膏 治乾血氣

用錦紋大黃酒浸晒乾四兩為末以好醋一升熬成膏丸如鷄頭大臨卧服一丸熱酒化開待溫服大便利一二次紅脉自下此調經之仙藥也又方加香附若經血逆行或血暈或吐血或咳血用韭汁服

失笑散

治婦人血氣痛欲死者

方見心痛門

紫金錠

治婦人腹內結塊久而不消并月經過期不至腹

內作痛或為邪所交腹中作痞熱酒磨服並愈孕婦不可服

方見痰門

一方 治室女月經不通

紫葳

一兩

乾漆

二錢

芍藥

蓬莪朮

當歸

稍多

一兩

為末每服二錢空心酒調下

又方 雄猪屎一兩燒灰存性為末空心溫酒調下一錢
一方 治室女經閉不行

用錦紋大黃一兩切片以好酒浸一日一夜取出曬乾蒸
熟再入酒浸再曬乾仍前蒸熟丸桐子大每服三十丸空
心酒下

又方 蘇木四錢黑芷一升好酒一升半入鍋煮至一甌加
童便一甌攪勻服出汗効

崩漏

皆動傷損神任二脉血氣俱虛不能約制經血故忽然暴下

奇効四物湯 治血崩

當歸

川芎

芍藥

生地黄

阿膠炒

艾葉

黃芩

各等分水二鍾姜三片煎一鍾空心服○因勞

氣弱者加人參黃芪升麻○因熱者倍黃芩○因寒者加
炒黑乾姜○紫色成塊者血熱之甚加黃連○崩過多者
先用五靈脂半生半炒為末一服後分寒熱用藥

一方用白芷煎湯調百草霜服甚者加棕櫚灰稍止即以四
物湯加乾姜調之此急則治其標也四物湯加黃芩黃連
人參黃芪香附乾姜此緩則治其本也

又方四物湯加荊芥穗止血甚効

治血崩血淋及產後去宿生新

取黃黑牛胎一個腹中者去身只留四足酒洗淨蹄壳尤要紫新瓦上炭火煨存性不可煨過研末無灰酒送下每服重者七八錢輕者三五錢

治崩漏多因氣所使而下

香附末

黑炒

歸身

白芍藥

地榆

熟地黃

各一錢

川芎

黃芪

蒲黃

人參

各五分

白朮

一錢

升麻

三分

水煎服甚者加櫻毛灰酒調服

一方香附炒黑為末每服三錢飲湯調下

治婦人血崩不止

槐花 一兩

棕毛灰 五錢

水二鍾鹽少許煎七分溫服

一方治漏下乃熱而虛宜四物湯加黃連

一方蚕沙為末每服三五錢熱酒調下

如神散 治婦人血崩不止赤白帶下

香附子 赤芍藥 等分為末鹽一撮水一鍾煎一鍾去

渣食前溫服

治血山崩

鱗殼 舊紅褐子

陳棕

蓮房 各燒灰存性

石等分共為末每服三錢用酸漿草汁一鍾沖下熱黃酒

一鍾熱服

帶下

赤屬血白屬氣濕熱為病主燥濕為先渴與帶俱是胃中痰積流下糝入膀胱法當升之甚者用吐以提其氣須斷厚味加味二陳湯 治帶下

陳皮

半夏

茯苓

甘草

蒼朮

白朮

升麻

柴胡

各等分

姜三片水煎服

治肥人白帶是濕痰

海口

半夏

姜製

南星

姜製

黃柏

炒

蒼朮

酒浸

香附

川芎

酒洗

檮皮

乾姜

各等分

右為末醋糊丸桐子大每服五六十丸空心白湯下若月

去乾姜

治瘦人帶下多熱

黃柏炒

黃芩

滑石

檮皮

川芎酒洗

海石

青黛

當歸

酒洗

芍藥

各等

醋糊丸服

固真湯

治白帶臨行時臍下痛甚

人參

五分

黃柏

炒

黃芩

炒

白葵花

各一錢

乾姜

甘草

炙各三分

郁李仁

八分

柴胡

七分

陳皮

五分

水一鍾半煎七分空心服葵花白者治白帶紅者治赤帶

此治氣滯白帶者

固腸丸

治濕勝者用此以燥其濕亦不可單用須看病作

湯使

椿根白皮

性涼而燥
須妙用

為末酒糊丸服血虛者加減四物

湯氣虛者參朮陳皮間與之

槲白皮丸

治白帶

槲白皮

山茱萸

苦參

香附

各五錢

龜板

二兩

梔子

二兩

黃柏

一兩

乾姜

貝母

各二錢

白芍藥

七錢半

白朮

為末酒糊丸服

一方 治赤白帶下用黃荊子炒為末酒調下二錢

一方 治崩中白帶

白芷

大兩

花椒目

四兩

以白芷四兩用石灰半斤淹上宿

澆去灰將白芷炒焦同椒目為末或加茜草少許粥丸服
治婦人上有頭風鼻涕下有白帶

南星

蒼朮

栝皮

炒

滑石

半夏

川芎

辛夷

酒苓

牡蠣粉

炒各等分

水煎食前服

治赤白帶下用旱蓮草不俱多少陰乾為細末每用一匙入
鷄子清內攪勻蒸熟食之後食棗一枚去腥氣

胎前

當清熱養血

安胎飲 治孕成之後竟胎氣不安或腹微痛或腰間作疼
或飲食不美者服之或至五六箇月常服數貼